



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

XCII. S. Gregorius III. Anno Christi 731. Leonis Isauri Imperator. 15.

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

quinta usque ad Gregorium II. cuius vitam scribens Anastasius ait: Hic Quadragesimali tempore, ut in quinta feria jejunium, atque Missarum celebritas fieret in Ecclesiis, quod non agebatur, instituit.

Mabillonius Comment. in Ord. Rom. cap. 5. pag. 33. illam Anastasii vocem *jejunium* sumit pro *statione*, ita ut Gregorius II. stationes assignaverit etiam feriis quintis Quadragesimæ, quod non fecerat Gregorius Magnus.

XCII.

S. GREGORIUS III

ANNO CHRISTI 731.

LEONIS ISAURI IMPERATOR. 15.

GREGORIUS III. Joannis filius, Syrus, diebus quinque post mortem decessoris sui electus, XV. Kal.

Bar. an. 731. §. 1. April. anno 731. Pontifex consecratus est, quod electionis confirmatio ab Exarcho Ravennate expectanda esset. Ab defensione sacrarum imaginum ordiens Pontificatum legationibus, epistolis, Synodis restituit Imperatori Iconomacho: qui propterea eò processit, iræ, ut antiquissima Ecclesiæ Romanæ patrimonia in Sicilia & Calabria redigeret in publicum. (1) Nec satis habuit scriptis atque decretis hæresim oppugnare, factis etiam

etiam delere annexus est. Imagines enim Salvatoris & Apostolorum in altera parte Basilicæ S. Petri, Deiparæ verò & sanctarum Virginum in altera collocavit. Eodem in Templo ædiculam construxit, in qua sacras reliquias undique conquistas condidit ad cultum. (2) De nonnullis quæstionibus consultus à S. Bonifacio Germanorum Apostolo, per epistolam respondit ad interrogata. (3) Legatos cum litteris ad Carolum Martellum patrem Pippini semel atque iterum misit, rogatum auxilium non solum contra Longobardos, qui res S. Petri in Exarchatu Ravennate, ac Ducatu Romano diripiebant, Romamque cinxerant obsidione; sed etiam contra Imperatorem, qui Regem Longobardorum adversus Ecclesiam Romanam concitaverat. (4) Quid legationibus & litteris responderit Carolus, apud veteres non reperio. Eas fuisse Carolo gratissimas, scribit Fredegarius. (5) Quare nullus relinquitur dubitandi locus, quin Luitprandus Carolo perente quam primum excesserit Romanam ditionem, ac Ticinum, unde venerat, regressus sit,

Bar. an:
740. §.
20. 23.
Pag. 9. 4.
13.

Bar. an.
741. §. 7.
Pag. §. 9.

fit, retentis tamen, ut tradit Anastasius in vita Zachariae, oppidis quatuor, Hameria, Horta, Polimartio, Blera, quæ postea Zachariae restituta sunt. Similiter auxilia se missurum promississe, quis ambigat? Sed anno 741. morte interceptus promissa facere non potuit. Eodem anno IV. Kal. Decembris moriens etiam Gregorius, *sanctitate, ut Romani Martyrologii verbis utar, preclarus migravit in Cælum, cum annos decem, menses octo, & dies decem vigilantissimus Pontifex fuisset.* (5)

ANNOTATIONES.

(1) Theophanes in Chronographia pag. 273. edit. Venet. *Patrimonia verò que dicuntur sanctorum & Coryphaeorum Apostolorum, qui in veteri Roma columnaria nimirum cum medio auri talenta eorum Ecclesiis ubi antiquo assignata & pensæ, in publicum ararium conferri iussit.* Petrus de Marca lib. 3. de Concordia cap. 11. §. 4. *Sciunt omnes, patrimonia illa Calabria & Sicilia latifundia fuisse, que per Defensores eò missos summi Pontifices curabant, ut patet ex variis epistolis Gregorii Magni, vel, ut loquitur Nicolaus* dicitur.

disponendo per familiares suos regere studebant.

(2) Vide Bonam lib. 2. Rer. Liturgic. cap. 11. §. 2.

(3) Exstat apud I abbeum tom. 6. Conc. pag. 1475. Inter cætera decernit, non esse rebaptizandos, qui baptizati sunt ab Ethnicis expresso sanctissimæ Trinitatis nomine, sed recipiendos per manus duntaxat impositionem, & sacri chrismatis unctionem. Qua de re olim addubitatam est, teste D. Augustino l. 7. de baptif. contra Donatistas cap. 53. & l. 2. cont. epist. Parmen. cap. 13. *Alia questio, utrum & ab iis, qui nunquam Christiani fuerunt, possit baptismus dari: nec aliquid temerè inde affirmandum est sine auctoritate tanti Concilii, quantum tanta rei sufficit.*

(4) In ea epistola, quæ est apud Baronium ad an. 740. §. 20. & apud Lab. tom. 6. Conc. pag. 1472. Gregorius Carolum Martellum appellat *Christianissimum*. Quem titulum ut *hereditarium* Regum Francorum agnoscit Pius II. epist. 385. ad Carolum VII. licet eum in Epistolæ inscriptione *illustrem* dicat veteri more. Itaque fallitur Raynaldus scribens ad an. 1496. §. 25. *Christianissimi* nomen *Ludovico XI. cum Pragmaticam sanctionem convulsisset, à Pio II. inditum*. Mabillonius lib. 2. de re diplomat. cap. 3. num. 5. pag. 70. & lib. 5. tabula 22. pag. 384.

Sandini Vitæ Pontif. Bb (5)

(5) Cap. 100. inter Scriptores Historiæ Francorum Duchesni tom. 1. pag. 772.

(6) Walafriidus Strabo de rebus Ecclesiasticis cap. 25. tom. 15. Bibl. Patr. pag. 195. *De Gregorio III. velut inauditum quidam & novum refertur, quod omnes Psalmos memoriter tenuerit. Ubi intelligi datur, paucos priorum ita Psalterium didicisse.*

Inas Rex Occidentalium Saxonum hoc circiter tempore *Regnum suum*, ut scribit Polydorus Vergilius lib. 4. Histor. Anglicæ pag. 118. *Romano Pontifici vectigale fecit, singulis argenteis nummis, quos denarios vocant, in singulas domos impositis. Fecit idem ejus exemplo, ut opinor, ductus Offa Merciorum Rex, qui non multò post id tempus regnavit. Fuit is annus salutis circiter 740. Hoc vectigal auxit Athelphus Rex, qui totius ferè insula imperium obtinuit. Omnis Anglia hoc tempore istuc vectigal pietatis & religionis causâ Romano Pontifici pendit domesticatim collatum, & nummi illi argentei vocantur vulgò Denarii D. Petri, quos Pontificius questor, quem non inscienter Collectorem nuncupant, exigit. Nos hanc olim questuram aliquos per annos gessimus, ejusque muneris obeundi causâ, primum in Angliam venimus. Hac ipse*
ut

ut addit Baronius ad an. 740. §. 15. scriben²
ad Henricum VIII. tunc Regem anno
Redemptoris 1533. cum Londini esset.

XCIII.

S. ZACHARIAS

ANNO CHRISTI 741.

CONSTANTINI COPRONYMI I.

ZACHARIAS Polychronii filius, Bar. an. 741. § 13
Græcus, pridie Kal. Decembr. Pag. §. 9.
anno 741. in locum Gregorii III. Bar. an. 742. § 20
Pontifex inauguratus est. (1) Hic de
Longobardis, qui Italiam omnem
infestam habebant, auctoritate ma-
gis triumphavit, quam armis. Nam-
que Luitprandum eorum Regem,
bellum contra Romanum Ducatum
enixè parantem, per Legatos avertit Bar. an. 742. § 20
ab incepto, eundemque ab se Inte- 31.
ramnæ conventum perpulit, ut me-
morata superiùs oppida Ameriam,
Hortam, Polimartium, Bleram resti-
tueret Romanæ Ecclesiæ. Adjicit Pag. 184.
Anastasius, Regem ultro reddidisse
etiam Patrimonium Sabinense, tri-
ginta ferme ante annis ereptum, in-
super Narniense, Auximanum, An-
B b a con-